

2 CRÔNICAS

(Norü taxre i popera i wenaxarü ãëxgacügüchigaxü ümatüxü)

Charumáu rü Tupanana naxçax
naca i cuax

1 ¹Rü Charumáu ga Dawí nane, rü wüxi ga poracü ga ãëxgacü nixí, yerü Cori ya Tupana nüxü narüngüxëë, rü yemaçax natachiga. ²Rü yexguma ga nüma ga Charumáu rü naxçax nangema ga guxüma ga Iraéuanecüãxgüarü ãëxgacügü ga churaragüerugü, rü ïanegüarü ãëxgacügü, rü chacherdótegiarü ãëxgacügü, rü papágü ga ãëxgacü ixígüxü ga Iraéuanewa. ³Rü yexguma marü yema duüxügü ga yexma ngutaquexexümaxã yadexaguwena ga Charumáu, rü Gabaóüwa namaxã naxü yerü yéma nixí ga nayexmaxü ga guma Tupanapata ga naxchirunaxçax ga nüxcüma norü duü ga Moiché chianexügu naxüxüne. ⁴Rü marü tama Gabaóüwa nayexma ga yema baú ga Tupanaarü mugü nagu nuxü, yerü nüma ga Dawí rü üpaacü marü Quiriá-Yearíüwa nayayaxu rü Yerucharéüwa nanange nawa ga guma ïpata ga naxchirunaxçax ga yema

baúçax yexma naxüxüne. ⁵Notürü Gabaóüwatama nayexma ga yema ãmarearü guchicaxü ga bróchenaxçax ga naxüxü ga Becharéu ga Urí nane ga Úrutaxa ixícü. Rü yema ãmarearü guchicaxü rü Cori ya Tupanapatapexewa nayexma ga Gabaóüwa. Rü nüma ga Charumáu rü guxüma ga yema duüxügü ga íyaxümücügüxü rü yéma Gabaóüwa naxí nax Tupanamaxã yanadexagüxüçax. ⁶Rü nüma ga Charumáu rü nagu nachinagü ga yema ãmarearü guchicaxü ga bróchenaxçax ga Tupanapatapexewa yexmaxü. Rü yemawa ínanagu ga 1,000 ga ãmaregü ga naxümagü ga Tupanaçax daixü. ⁷Rü yematama chütaxügu, rü nüma ga Tupana rü Charumáuçax nangox rü nhanagürü nüxü: —¡Choxna naxçax naca i taxacü i cunaxwaxexü! Rü chama rü tá cuxna chanaxã —nhanagürü. ⁸Rü nüma ga Charumáu rü Tupanaxü nangãxüga rü nhanagürü: —Cumax, Pa Tupanax, rü poraäcü chaunatü ga Dawí cuxü nangechaütümüxü. Rü nhüxmax

rü chaunatüchicüxü ãëxgacüxü choxü quingucuchixëxë. ⁹Rü nhÿxmax, Pa Cori Pa Tupanax jëcü yanguxëxë ga yema chaunatü ga Dawímaxã nüxü quixuxü rü tá nüxü curüngüxëë i nanegü rü nataagü! Erü nhÿxmax rü marü ãëxgacüxü choxü cuxuneta natanüwa i ngëma muxüchixü i curü duüxügü i nhama naxnecütëxerüxü imuxü. ¹⁰Rü ëcü choxna naxã i cuax nax guxüxüma chacuáxüçax rü ngëmaãcü mea namaxã ichacuáxüçax i ngëma curü duüxügü! ¿Erü texë tüxü natauxcha nax namaxã itacuáxü i nhaa curü duüxügü i muxüchixü? —nhanagürü. ¹¹Rü nüma ga Tupana rü Charumáxü nangáxü rü nhanagürü: —Nhÿxma nax chauxütawa naxçax ícuçaxaxü i cuax nax mea chorü duüxügümaxã icucuáxüçax rü chataãxë, erü tama naxçax ícuca nax cumuarü ngëmaxüáxü rüçxna cuxü chatachigaxëëxü, rü tama naxçax ícuca nax chanaaixüçax i curü uanügü rü tama naxçax ícuca nax cumáarü maxüáxüçax. Notürü ngëma naxçax ícuçaxaxü nixi i cuax rü cuãëxü nax cucuáxü nax ngëmaãcü mea namaxã icucuáxüçax i chorü duüxügü i naxçax ãëxgacüxü cuxü chingucuchixëëxü. ¹²Rü nhÿxmax rü cuxna chanaxã i cuax nax guxüxüma cucuáxüçax. Notürü naëtü cuxna chanaxã i diëru rü ngëmaxügü rü cuxü chatachigaxëxë. Rü yema nüxírxügüxü ga ãëxgacügü rü tama cuxrüxü chanatachigaxëxë, rü ngëma cuwena ãëxgacügü ixígüxü rü taxütáma ngëxgumarüxü chanatachigaxëxë —nhanagürü ga Tupana. ¹³Rü yemawena rü nüma ga Charumáu rü natáegu nawa ga guma Tupanapata ga

Gabaóüwa yexmane. Rü Yerucharéüwa naxü rü yéma Iraéuanecüãxgüarü ãëxgacü nixi.

.....

Charumáu rü Tíruarü ãëxgacü ga Iráümaxã inaxüga

2 ¹Rü nüma ga Charumáu rü nanaxunagü nax Cori ya Tupanaaxü naxüãxü ga wüxi ga tupauca ga taxüne. Rü yexgumarüxü ta nüxü nixu rü tá naxüãxü ga napata nax ãëxgacü yixíxü. ²Rü yemaçax nüxü naxuneta ga 70,000 ga nugütaeruügü, rü 80,000 ga nutagüarü mexëcüwaruügü ga maxpúneanewa puracüexü, rü 3,600 ga naerügü ga yema puracümaxã icuaxgüxü. ³Rü yemawena ga Charumáu rü íane ga Tíruarü ãëxgacü ga Iráüxütawa namuga rü nhanagürü: —Cuxna chaca nax choxü curüngüxëëxü yema chaunatü ga Dawíxü curüngüxëëgurüxü ga yexguma mürapewagü ga ocayíwanaxçax nüma cumugügurüxü nax napata naxüçax —nhanagürü.

.....

Charumáu nanaxü ga Tupanapata

3 ¹Rü nüma ga Charumáu rü inanaxügü ga maxpúne ga Moríagu nax naxüãxü ga Cori ya Tupanapata ga Yerucharéüwa. Rü guma maxpúnewa nixi ga Cori ya Tupana rü nanatü ga Dawíçax nangóxü. Rü yema nixi ga yema nachica ga gumá Yebuchéutanüxü ga Orná trígu nawa púxü rü Dawí nüxü unetaxü nachicaxü ga guma Tupanapata. ²Rü yexguma marü 4 ga taunecü marü ãëxgacü yixígu ga

Charumáu rü meama norü taxre ga tauemacüarü taxre ga ngunexügu (abriuáru 17) nixí ga inaxügüxü nax naxüxü ga guma Tupanapata.

.....

5 ¹Rü yexguma marü yanguxgu ga guma Tupanapata, rü nüma ga Charumáu rü yéma nanana ga yema Tupanapataarü yemaxügu ga úirunaxçax rü diêrumünaxçax ga nanatü ga Dawí Cori ya Tupanana naxü. Rü Tupanaarü diêrutanügu namaxã nanguxü.

**Yema baú ga Tupanaarü mugü
nagu nuxü rü guma yexwacaxüne
ga Tupanapatawa nanangegü**

²Rü nüma ga Charumáu rü Yerucharéügu nanangutaquexexêxê ga yema Iraéuanecüãx ga ãëxgacütücumüwa ügüxü, rü guxüma ga yema 12 ga Iraéütücumügiarü ãëxgacügüchigü, rü guxüma ga papágü ga natanüxüeru ixügüxü. Rü yemaacü nanangutaquexexêxê nax m̄axpüne ga Chiáüwa yayauxgiuxçax ga yema baú ga Tupanaarü mugü nagu nuxü, rü guma yexwacaxüne ga napatawa nangegüãxüçax. ³Rü yema ngunexü ga Iraéuanecüãxgü nagu naxüchigagüãxü nax düxenügütüüwa nayexmagüxü ga meama norü 7 ga tauemacügu (utübru) rü yexguma nixí ga Charumáumaxã nangutaquexegüxü ga yema Iraéuanecüãxgiarü ãëxgacügü. ⁴Rü yéma m̄axpüne ga Chiáüwa nangugü ga guxüma ga yema Iraéuanecüãxgiarü ãëxgacügü. Rü yema Lewítanüxügü rü nayangegü ga yema baú ga Tupanaarü mugü nagu nucuxü. ⁵Rü guma

yexwacaxüne ga napatawa nanangegü ga yema baú wüxigu namaxã ga guma nüxíraxüne ga napata ga naxchirunaxçax rü guxüma ga norü yemaxügu. Rü yema chacherdótegü rü Lewítanüxügü nixí ga yéma nanaxü. ⁶Rü nüma ga ãëxgacü ga Charumáu rü guxüma ga Iraéuanecüãxgü rü yexma nangutaquexegü napexegu ga yema baú ga Tupanaarü mugü nagu nucuxü. Rü yema nax namuxüchixü ga yema carnérugü, rü wocaxacügü i yatüxü ga Tupanacax daixü rü taxucürüwa texé tayaxugü. ⁷Rü yemawena ga yema chacherdótegü rü guma Tupanapataarü aixepewa nanangegü ga yema baú ga Tupanaarü mugü nagu nucuxü. Rü yema Nachica i Üünexügu nayaxügü natüügu ga guma naxpexátü ga yema taxre ga dauxücüãxchicünaxã. ⁸Rü yema taxre ga dauxücüãxchicünaxãgü rü guma naxpexátügü rü baú íxüxüétüguama narüxunü rü nayadüxétügü ga yema baú rü guma naxpawerugü. ⁹Notürü guma naxpawerugü rü nimax, rü yemacax yema napexegü rü nüxü tadauama ga yexguma nüxíraxüxü ga nachiãwa idawenügu, notürü yema norü iãxwa rü tama nüxü tadau.

.....

¹³Rü yema wiyetanüxü rü paxetatanüxü rü wüxigu nawiyaegü rü Tupanaxü nicuaxüxügü rü Cori ya Tupanana moxê naxãgü. Rü yemaacü napaxetagu namaxã ga norü cornétagü rü norü botachinügü rü togü ga paxetarüügü. Rü yexguma ínawiyaegüyane rü nhanagürügü: “¡Nüxü pecuaxüxügü ya Cori ya Tupana

erü nüma rü namecüma rü ngêma norü ngechaũ rü taguma inayagux!” nhanagürügü. Rü yexgumatama ga guma Cori ya Tupanapata rü caxixũmaxã nanapá. ¹⁴Rü yema caxixũgagu rü nüma ga chacherdótegü rü taxucürüwama yexma narücho nax yadaxêégüaxũcax ga yema puracü ga yéma Tupanacax ínaxügüxü. Yerü Tupanaarü üünemaxã nanapá ga guma napata.

**Charumáu rü Tupanamexêgu
nanaxü ga guma ípata ga naxüxüne**

6 ¹Rü yexguma ga Charumáu rü nayumüxê rü nhanagürü: “Cumax, Pa Cori Pa Tupanax, rü cugü quixu nax caixanexü i waemaxüwa cumaxüxü. ²Notürü chama rü cuxcax chanaxü ya daa ípata nax yimawa cungexmaechaxũcax”, nhanagürü. ³Rü nhuxüchi nüma ga ãêxgacü ga Charumáu rü naxcax nadauegu ga guxüma ga yema Iraéuanecüãxgü ga yexma chigüxü. Rü mexü namaxã naxuegu rü nhanagürü: ⁴—Namecümaxüchi ya Cori ya tórü Tupana. Rü nüma rü marü nayanguxêxê ga yema chaunatü ga Dawímaxã nüxü yaxuxü ga yexguma nhaxgu nüxü: ⁵“Rü yematama ngunexü ga Eyítuanewa chorü duüxügü ga Iraéutanüxü íchanguxüêêxügumama rü taguma nüxü chaxuneta ga wüxi ga íane nax yimagu naxüxũcax ga chapata. Rü taguma natanüwa nüxü chaxuneta ga wüxi ga yatü nax chorü duüxügü i Iraéutanüxügümaxã inacuáxũcax. ⁶Notürü i nhuxmax rü nüxü chaxuneta ya Yerucharéü nax ngêxma naxüxũcax

ya chapata. Rü nüxü chaxuneta ya Dawí nax yimá chorü duüxügüarü ãêxgacü íxüxũcax”, nhanagürü ga Tupana. ⁷Rü nüma ga guma chaunatü ga Dawí rü nüxü nangúchaũ ga nax naxüãxü ga wüxi ga ípata ya taxüne naxcax ya Cori ya tórü Tupana. ⁸Notürü nüma ga Cori ya Tupana rü nhanagürü nüxü: “Wüxi i mexü nixí nax naxü curüxüxü nax chaxcax cunaxüxü ya wüxi ya chapata. ⁹Notürü taxütáma cuma nixí i cunaxüxü. Rü yimá cune ya tá cuxü ngêxmacü tá nixí ya naxücü ya yima chapata”, nhanagürü ga Tupana. ¹⁰Rü yexguma ga nüma ga Charumáu rü duüxügüxü nhanagürü: —Nüma ya Cori ya Tupana rü marü nayanguxêxê ga yema norü uneta. Erü nhuxmax i chama rü ãêxgacü chixí tûmachicüxü ya chorü papá. Rü chanaxü ya yima ípata ya taxüne naxcax ya Cori ya tórü Tupana. ¹¹Rü nhuxmax rü yimagu chayaxücuchi i ngêma baú i nawa nangexmagüxü i Cori ya Tupanaarü mugü ga nutagu ümatüxü ga nüxcümaxügüxü ga tórü oxigümaxã nüxü yaxuxü —nhanagürü. ¹²⁻¹³Rü nüma ga Charumáu rü duüxügüxü nanaxüxêxê ga wüxi ga chinagüchica ga bróchenaxcax. Rü meama Tupanapataarü ngãxüãxtügu nüxü nanaxüxêxê napexegu ga ãmarearü guchicaxü. Rü yima chinagüchica rü nüxü nayexma ga 2 métru rü 70 ga norü max, rü taxre ga métru ga norü tatachinü, rü wüxi ga métru rü 57 ga norü máchane. Rü yimagu nachinagüãcüma rü guxüma ga Iraéuanecüãxgü ga yexma ngutaquexegüxümaxã nidexa. Rü yexguma duüxügü nüxü írúdaunüyane

rü nüma ga Charumáu inacaxápxü, rü dauxü naxunagüchacüxü rü nhaacü nayumüxê: ¹⁴“Pa Cori Pa Torü Tupanax, rü woo i dauxügüxü i naanewa, rü woo i nhama i naanewa, rü nataxuma i taxacü i cuxrüxü ixixü. Erü cumax rü cuyangüxêxê i curü unetagü rü aixcuma nüxü cunawex nax namaxã cumecümaxü i ngêma curü duüxügü i norü ngüchaümaxã cuga inüexü. ¹⁵Rü cuma rü cuyangüxêxê ga curü uneta ga chaunatü ga Dawímaxã nüxü quixuxü ga daa cupatachiga. Rü nhüxmax rü aixcumaxüchima cunangoxêxê i ngêma. ¹⁶Rü nhüxmax, Pa Torü Tupanax, rü ngëxgumarüxü ta yangüxêxê ga yema uneta ga chaunatü ga curü duü ga Dawímaxã nüxü quixuxü ga yexguma nhacuxgu nüxü: ‘Rü cutaagü tá nixi i guxügütáma ãëxgacügü ixigüxü i Iraéutanüwa ega cuxrüxü mea nagu namaxêgu i chorü mugü’, nhacuxgu! ¹⁷Rü ngëmacax, Pa Cori Pa Torü Tupanax, cuxü chacaxü nax cuyangüxêxêxêcax i ngêma curü uneta ga chaunatü ga curü duü ga Dawímaxã nüxü quixuxü”, nhanagürü.

.....

7 ^{1,2}Rü yexguma Charumáu nüxü rüchaxgu nax nayumüxêxü rü dauxügüxü ga naanewa narüngu ga üxüema rü yema âmaregü ga Tupanacax yéma nanaxü rü yema naxünagü ga Tupanacax nadaixüétügu nangu rü nixae. Rü yema Tupanaarü üüne rü guma Tupanapata namaxã nanapá rü yemacax ga yema chacherdótegü rü taxucürüwama nagu nachocu. ³Rü yexguma yema Iraéuanecüãxgü yema üxüemaxü rü

Tupanaarü üünexü nadaugügu nax nhuxacü Tupanapataétügu ínaxixü, rü guxüma ga nümagü rü yema ínachauãxtüügu nacaxápxügü rü nanangücuchitanü. Rü Tupanaxü nicuaxüxügü rü nüxna moxê naxägü rü nhanagürügu: —Nüma ya Tupana rü namecüma rü norü ngechaü rü taguma inayagux —nhanagürügu. ⁴Rü yemawena rü nüma ga ãëxgacü ga Charumáu rü guxüma ga yema togü ga Iraéuanecüãxgü rü Tupanacax nanadai rü nayagu ga muxüma ga naxünagü.

Tupana rü Charumáumaxã inaxuneta

¹¹⁻¹²Rü yexguma Charumáu yangüxêëgu ga guma Tupanapata rü guma ãëxgacüpata rü guxüma ga yema togü ga yemaxügü ga naxüxü, rü nüma ga Cori ya Tupana rü wüxi ga chütacü naxcax nangox rü nhanagürü nüxü: —Marü nüxü chaxínü i ngêma curü yumüxê rü marü nüxü chaxuneta ya daa chapata nax yimagu chauxcax penadaixücax rü ípenagüxücax i ngêma naxünagü i choxna pexãmaregüxü. ¹³⁻¹⁴Rü ngëmacax i ngëxguma íchayachaxãchixêëgu ga pucü nax taguma napüxücax rü munügü íchangügüxêëgu nax penetügü nangóxücax rüxna pexcax daxaweane íchangüxêëgu, notürü ngëxguma chapexegu pegü íperüxíragügu i pemax nax chorü duüxügü pexigüxü, rü peyumüxêgügu rü chauxcax pedaugügu, rü nüxü perüxoegu i ngêma chixexü i pecümagü, rü chama rü tá pexü chaxínü i yéa dauxügüxü i naanewa

íchangexmaxũwa. Rü tá pexũ nüxũ icharüngüma i perü chixexũgü rü tá ichayanaxoxêxê i ngêma guxchaxũ i perü naanewa ngêxmaxũ. ¹⁵Rü nhuxmacürüwa rü mea tá pexũ nüxũ chaxĩnü i perü yumüxêgü i daa chapatawa pexüxũ. ¹⁶Erü chatatama nüxũ chaxuneta rü chanaxüünexêxê ya daa chapata nax nawa tá guxũguma changexmaxũ. Rü guxũguma chauãêwa nangexma rü tá nüxna chadau. ¹⁷⁻¹⁸Rü nhuxmax i cumax, Pa Charumáux, rü ngêxguma tá cunatü ya Dawírüxũ mea chauga cuxĩnügu, rü nagu cumaxũgu i ngêma chorü mugü rü chorü ucuxêgü, rü chama rü tá chayanguxêxê ga yema uneta ga cunatü ga Dawímaxã nüxũ chixuxũ nax cumax rü cutaagü rü guxũgutáma Iraéuanecüãxgüarü ãêxgacügü tá yixĩgüxũ. ¹⁹⁻²⁰Notürü ngêxguma pema rü choxna pexĩgachitanügu rü tama peyanguxêêgu i ngêma mugü ga pexna chaxãxũ rü naxchicünaxãgüxũmare pecuaxüüügügu, rü tá nawa pexũ íchawoxũ i nhaa naane i pexna chaxãxũ. Rü tá nüxna chixũgachi ya daa chapata ya chaxüünexêêchiréne, rü tá wüxi i cugürüxũ chayaxĩxêxê napexewa i ngêma togü i nachixũanegü. ²¹Rü daa chapata ya mexechichiréne rü nachicaxica tá ngêma nayaxü. Rü ngêxguma i guxũma i duũxũ i nawa üpetüxũ i nhaa nachica rü nüxũ nadaugügu i ngêma chapatachica rü tá namaxã nabaxãchie rü tá nhanagürügü: “¿Tüxcüü ya Cori ya Tupana i poraãcü nachixexêãxũ i nhaa nachixüane rü daa napata?” nhanagürügü tá. ²²Rü namücügü rü tá nanangãxũgü rü

nhanagürügü tá: “Ngêmaãcü namaxã nangupetü erü nhaa duũxũgü rü nüxna nixĩgachi ya Cori ya norü oxĩgüarü Tupana ga Eyítuanewa ínanguxũxêêcü, rü nawe narüxĩ ga yema naxchicünaxãgümare rü nüxũ nicuaxüxũgü. Rü yemaçax nixĩ ga Tupana ga naxçax ínanguxêêgüãxũ ga yema taxũ ga guxchaxũgü”, nhanagürügü tá —nhanagürü ga Tupana nüxũ ga Charumáu.

Yerucharéüwa ãêxgacü nixĩ ga Yedequía

36 ¹¹Rü nüma ga Yedequía rü nüxũ nayexma ga 21 ga norü taunecü ga yexguma noxri ãêxgacü yixĩxgu. Rü 11 ga taunecü nixĩ ga ãêxgacü yixĩxũ ga Yerucharéüwa. ¹²Notürü wüxi ga ãêxgacü ga tama Tupanaga ínücü nixĩ. Yerü tama inarüxĩnúchaü nüxũ ga gumá orearü uruxũ ga Yeremía ga Tupana nawa namaxã idexacü. ¹³Rü naétü tama nayanguxêxê ga norü uneta ga Tupanapexewa Babiróniaanearü ãêxgacü ga Nabucudonochómaxã nüxũ yaxuxũ nax norü churaragümaxã tá nüxũ nangũxêxũ. Rü nüma ga Yedequía rü poraãcü nügü nataixêxê nax tama Tupanaga naxĩnüxũçax. ¹⁴Rü yexgumarüxũ ta ga guxũma ga Yudáanecüãxarü ãêxgacügü rü norü duũxũgü rü chacherdótegü rü ta, rü poraãcü chixri namaxê. Rü to ga nachixüane ga tama Tupanaxũ cuaxgüxũarü tupanachicünaxãxũ nicuaxüxũgü. Rü yemaacü chixexũ nawa naxügü ga guma Tupanapata ga

nüma ga Tupana nüxü unetane nax napata yixüçax ga Yerucharéüwa. ¹⁵Rü nüma ga Cori ga Iraéutanüxügiarü oxügiarü Tupana rü guxüguma yéma nanamugü ga norü orearü uruügi nax yaxucüxügüaxüçax, yerü nüma ga Tupana rü nüxü nangechaütümüxügi ga norü duüxügi rü nüxü nangechaü ga guma napata ga nawa nayexmane. ¹⁶Notürü nümagü ga yema duüxügi rü nüxü nacugüeama ga yema Tupanaarü orearü uruügi rü tama nüxü inarüxinüechaü ga yema namaxä nüxü yaxuxü. Rü yemaçax ga nüma ga Tupana rü düxwa namaxä nanu ga yema norü duüxügi rü taxüema Tupanaxü itayachaxächixexê.

Nagu narüchixe ga Tupanapata rü inawoxü ga Yudáanecüaxügi

¹⁷Rü yemaçax nüma ga Cori ya Tupana rü Caudéutanüxügiarü äxgacüxü namu nax nadaiaxüçax ga yema Yudáanecüaxügiarü ngextüxüxügi ga Tupanapatawa puracüexü. Rü tama nüxü tangechaütümüxügi ga guxema ngextüxügüxe, rü paxegü, rü yaxguaxügi, rü guxema ichixéxe. Rü yemaacü ga nüma ga Cori ya Tupana rü guxüma ga Yudáanecüaxügiarü Caudéutanüxügiarü nayixexê nax nadaiaxüçax. ¹⁸Rü guxüma ga Tupanapataarü yemaxügi ga itaxü rü ixíraxü rü nayana. Rü norü diêrugü ga guma Tupanapata, rü guma äxgacüpataarü diêrugü rü yema norü ngüxêruügiarü diêrugü, rü nüma ga Caudéutanüxügiarü äxgacü rü itane ga Babiróniaanewa nanana. ¹⁹Rü guma Tupanapata rü nayagugü rü yema

Yerucharéüarü poxeguxü rü nagu napogüe. Rü guma äxgacüpatagü ínanagu rü inayanaxoxêégü ga guxüma ga taxacü ga tatanüxü ga guma ínawa yexmaxü. ²⁰Rü yemawena rü yema Yudáanecüaxügiarü íyaxügiarü Babiróniaanewa nanagagü nax äxgacüarü rü nanegüarü puracütanüxü yixügiarü. Rü yemaacü nixügi rü nhüxmata Pérchiaanearü äxgacümeçewa nayexmagü ga Caudéutanüxügi. ²¹Rü yemaacü nixü ga yanguxü ga yema Tupanaarü ore ga Yeremíawa nüxü yaxuxü ga nhaxgu: “Rü ngêma naane rü tá inarüngü”, nhaxgu. Rü aixcuma yemaacü nangupetü yerü yema 70 ga taunecü ga Caudéutanüxügiarü meçewa nax nayexmaxü rü inarüngü ga yema Yudáane yerü nataxuma ga duüxügi rü nawa puracüexü.

Pérchiaanearü äxgacü ga Chíru nanaxunagü nax wena naxüaxü ga Tupanapata

²²Rü gumá taunecü ga nagu yangucuchicü ga Chíru nax Pérchiaanearü äxgacü yixüçax, rü nüma ga Tupana rü Chíruaêwa nananguxexê ga ínu nax naxunagüaxüçax ga wüxi ga mu ga Yudáanecüaxügiarü idexaxü nax nüxü nangüxêégüxüçax. Rü nanaxümatü ga yema mu rü guxü ga norü naanewa nanamu nax yemaacü yanguxüçax ga Cori ya Tupanaarü ore ga Yeremíawa nüxü yaxuxü. ²³Rü nüma ga Chíru ga Pérchiaanearü äxgacü rü nanaxunagü i nhaa ore ga nhaxü: “Rü nüma ya Cori ya dauxügiarü i naanearü Tupana, rü

chaxmexwa nanangexmagüxêxê i
 guxüma i ãëxgacügü i nhama i naanewa
 ngëxmagüxü. Rü choxü namu nax
 Yerucharéügu chanaxüüçax ya napata i
 Yudáanewa. Rü ngëmacax ya

ngexerüxúxe i pemax nax Cori ya
 Tupanaarü duüxügü pexígüxü ¡rü ëcü
 pechixüanecax pewoegu! ¡Rü núma ya
 Cori ya perü Tupana pexü rüngüxêxê!”
 nhanagürü ga ãëxgacü ga Chíru.